

PLOANIES SAN MARTIN Y LUNGIARÜ

Al 01.06.21 él le "Mini-OpenAir-Gottesdienst" dla KJS metü a jî dai grups di sorvidus y les schires joniles dla Val Badia. I mituns cun geniturs, neni y lâs é inviá ala Mëssa sön Badia l s'incuntun dales 19.00 tla plaza dai auti dla Crusc.

PLOANIES DA SAN MARTIN Y LUNGIARÜ

En chësta ota podunse indô tigní la **Prozesciun Eucaristica dles Antles ai 6 de jügn a San Martin y dl Cör de Gejú ai 13 de jügn a Lungiarü**; sambëgn él da tigní ite le regolamënt: destanza, mascherot, ... Le pröm vangele dlungia le paiun, le secundo ite dala Ciasa de Palsa. Les uniuns é periades da fistidié da chirí les porsones che ó ester da porté statues, bandires, y i.i.

I sun düc bel inviá da tó pert y da surantó val' sorvisc por che la prozesciun garetës. Ma sce düc fej impara cun ligrëza, cun cör y interiorité podarunse dí: Ci bela prozesciun ch'al é sté, a lalt de Dî y sciöche desmostraziun de fede.

SAN MARTIN

Por l'ordin dla prozesciun vëgnel bel perié da ciaré do tl'ultima plata dla cöra. En dedemesaledema, ai 02 de jügn, dales 17.00 inant, vëgnel indô sié la cortina. Leo preia dër bel chi che sciafia da gní a daidé, da bur tëmpera la jöbia.

LUNGIARÜ

Ordin dla prozesciun dl Cör de Gejú: Crist - Scolars: mituns cun le confarun cöce - mitans cun le confarun blanch; Jones: plomac - bandira dles jones - les jones cun la statua de Santa Maria; Jogn: bandira di jogn - statua de Sant Alvije - i jogn cun confarun di jogn; Ëi: bandira di Stödafüch - statua de San Florian - i omi cun confarun di omi y statua dl Cör de Gejú; Musiga; Ciantadus; dan le Santiscim: mituns dla Pröma Comuniun - sorvidus - cil y linternes; le prou cun la mostranza; Ëres: confarun dles ëres - les ëres cun le quant da paura - statua de Santa Lizia - dötes les ëres y fomenes.

1° Vangele dala Ciasa dl Pech - 2° Vangele te Chi Pinís - conclujiun te dljia.

I mëmberi dl Paisc Alpinist Lungiarü (Bergsteigerdorf Lungiarü) inviëia düc i amanc dla munt da to pert al jüch "Roda Lungiarü" che é ponsé por düc i apascioná dla munt. Ara se trata de na challenge sportiva, che döra cina d'altonn 2021, olache le travert é chël da descurí posc particolars che vëgn publicá cun stories sön l'account Instagram @lungiaru.

Informaziun plü menüdes é da ciafé sön la plata internet www.lungiaru.it

Ciasa de Palsa San Martin de Tor: Al é scrit fora n concurs publich tres mobilité danter aministrazions publiches por corí 2 posc de rode da operadú/dëssa soziosanitar/a, de chisc 1 post a tëmpera parzial 50% (19 ores al'edema) y 1 post a tëmpera parzial 63,16% (24 ores al' edema) tla IV. cualifica funzonala. I posc é resservá al grup linguistich ladin. Al vëgn ghiré l'atestat de trilinguism A2 (ex D). Les domandes de amisciun ai concursc mëss gní fac sön le formular aposta. Chësc ciafun ti ofizi dla Ciasa de Palsa de San Martin de Tor o pó gní desciarié dala plata internet. Informaziuns plü menüdes é da ciafé ti ofizi dla Ciasa de Palsa San Martin de Tor por telefonn 0474 524 786.



Plata dles Ploanies San Martin y Lungiarü

ploan Klaus Sottsas 344 15 54 055 - klstottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

30.05. - 06.06.21 nr. 27

DOMÈNIA DLA TRINITÉ - B

Vangele do Matí 28,16-20

Te chël tëmpera
é i önesc discepui jüs tla Galilea
sön la munt che Gejú ti â dè dant.
Y canch' ai â odü Gejú,
s' ai inslenè dan da d'ël.
Mo valgügn dubitâ.
Dailò ti é Gejú jü pormez
y ti à dit:

A mé m'ël dè döta la potesté tl cil y söla tera.
Porchël jide da düc i popui y fajede fora de döta la jënt mi discepui;
batiedi tl inom dl Pere y dl Fi y dl Spirit Sant,
y insgnedi da osservè döt ci che iö ves à racomanè.
Ciarede: Iö sun pro os düc i dis cina ala fin dl monn.

*Nia nos n'un fat le punt da jî ia y da incunté Chël Bel Dî,
mo ël l'á fat por nes gní pormez, se don da conësce te so Fi Gejú Crist,
che é diventé porsona umana por nos y por nosta salvëza.
Chël Bel Dî instës vëgn da nos, al é gnü un de nos, al é dlungia nos,
y al nes baia ados cun parores umanes tres so Fi Gejú Crist.*

*Che ne dess pa porchël nia la vaghé da ti jî pormez al Salvatur y al Dî viënt?
I s'astilassun bëgn damat da sté dalunc y da ne se fá nia pormez a d'ël
y da n'orëi savëi nia de süa bunté y de süa vijinanza.*

*La festa dla Trinité n'é nia na festa de Chël Bel Dî
che é tan gran y dalunc che degügn n'é bugn da le capí,
mo al é la festa dl amur de Dî che nes ó ester dlungia.*

*Les trëi porsones divines, le Pere y le Fi y le Spirit Sant,
ó nes mostré la grandëza dl amur divin.*



EDEMA	SAN MARTIN	LUNGIARÜ
30.05.21 FESTA DLA TRINITÉ - B	9.00 Corona 9.30 Gran Mëssa por la Comunité <i>cun presentaziun di mituns/ans</i> <i>dla Pröma Comuniun</i> + Angela Tavella Castlunger (dl'Union) 19.30 Corona de ma sö Ju	7.55 Corona de ma 8.15 Gran Mëssa por la comunité ad intenziun + siur Heinrich Videsott 15.00 Corona tla capela de S. Ojöp Fr.
31.05.21 Lönesc <i>Petronila, Matilda</i>	19.30 Corona de ma a Picolin	
01.06.21 Dedolönesc <i>Iustin, Flor</i>	19.00 Mëssa + Sepl Flöss d'Arzó por les Animes dl Purgatore	
02.06.21 Dedemesaledema <i>Marzelin, Armin</i>		7.30 Mëssa en onü di Agnui Custodi por fam. de Sepl Pezzei de rengraziamënt + + Schanung de Iachin
03.06.21 Jöbia <i>Carl Lawanga y Compagns</i>	7.30 Mëssa por les püres Animes Corona por Vocaziun	
04.06.21 Pröm vëndres <i>Crista, Clotilda, Werner</i>	18.30 Adoraziun chîta 19.00 Mëssa + Maria Clara Verginer domisdé Provijun di amará	7.30 Mëssa + + Carlina y Paul Pitscheider + Raimund Pescoll dedô Provijun di amará
05.06.21 Sabeda <i>Bonifaz, Igor, Ferdinand</i>	19.30 Mëssa prefestia + + + Maria, Pire, Tone, Paul Unterweger + suor Fidelia Ferdigg	18.00 Mëssa prefestia por fam. de Carlo Castlunger + Rita Zingerle Clara + + + Milia, Nisio y Pire Clara
06.06.21 FESTA DLES ANTLÉS - B	9.00 Corona 9.30 Mëssa solëna por la Comunité <i>de rengraziamënt dl'Eucaristia</i> <i>y dl sazerdoze</i> dedô Prozesciun eucaristica	7.55 Corona de ma 8.15 Mëssa solëna por la comunité 15.00 Corona tla capela de S. Ojöp Fr.



Oh Dî, i te adorëii:
tö sapiënza che te m'as ponsé fora,
tö orenté che te m'as orü,

tö potënza che te m'as cherié,
tö grazia che te m'as alzé sö,

tö usc che te me chërdes,
tö parora che te me baies ados,

tö bunté che te me scinches,
tö providënza che te me condüjes,

tö misericordia che te me pordones,
tö amur che te me cercenëies,

tö spirit che te me motivëies,
tö pesc che te me implësces,

tö santité che te me trasformëies,
ch'i ne dais nia plü tria,

cina ch'i ne te vëighi:
Oh Dî, i te adorëii. *(dal Gotteslob)*